



**Goza di
Carnaval 59**
lagando bo cas
den bon man

SafeCom
Security, Communication and Technologies

**Yama nos pa
un oferta**

Yama 588-2612

SafeCom Offices:
Rumbastraat 25, behind
AZV • Opening Hours:
8:00 am - 5:00 pm

- Buglar Alarm Systems
- Fire Alarm Systems
- Acces Control Systems
- Sound Systems
- Networking and Data
Cabling
- PABX Systems

Fundacion Bon Nochi Drumi Dushi cu hopi plan positivo pa 2013



Fundacion Bon Nochi Drumi Dushi ta cla pa enfrenta un aña mas cu hopi amor y dedicacion pa lanta e placer di lesamento cerca muchanan. E fundacion

por mira bek riba un aña 2012 exitoso, cu hopi actividad pa mucha, tayer na estudiante y scolnan y mas cu claro e bishitanan na cas rond di nos isla.

Bon Nochi Drumi Dushi ta un proyecto di promocion di lesamento cu ta funda for di aña 2007. E meta central di e fundacion ta pa hiba e placer di lesamento cerca e mucha na su cas y asina laga atras un herment valioso cu henter famia lo beneficia di dje den futuro. E grupo meta ta e muchanan di edad 4 te cu 8 aña. Pa muchanan mas grandi Fundacion Bon Nochi Drumi Dushi ta organisa varios actividad rond di lesamento tambe, entre otro un quiz tocante lesamento di buki pa muchanan den klas 5 y 6 di scol basico. Na e momentonan aki Fundacion Bon Nochi Drumi Dushi ta den pleno preparacion di e actividadnan stipula pa 2013 y alabes den evaluacion di aña 2012. E fundacion ta desea di mehora su servicio na comunidad y muchanan. Por ehempel, tin algun cas cu pa un of otro motibo no a ricibi bishita di lesado siendo cu nan a aplica pa haya bishita. E fundacion



ta desaroyando un sistema pa evita esaki mas hopi cu ta posibel y lo tuma contacto cu e adresnan cu no a ricibi bishita. Fundacion Bon Nochi Drumi Dushi ta conta cu un plataforma di boluntario masha dedica na e meta y ta sumamente contento cu esaki, sinembargo, tin areanan unda e fundacion por haya ayudo di boluntario ainda e.o. ayudo administrativo, ayudo cu organisacion di actividad pa e boluntarianan di e fundacion, ayudo pa traha un sistema di comunicacion cu boluntario. E aña aki Bon Nochi Drumi Dushi ta lanza su website tambe y ta desea di ta mas interactivo cu su audiencia riba Facebook. Durante luna di Januari, Fundacion Bon Nochi Drumi Dushi lo sigui repasa y evalua diferente punto importante pa por brinda Aruba e miho servicio posibel e resto di aña 2013. Si bo persona por yuda e fundacion cu e areanan menciona aki riba, por tuma contacto cu nan via bon-nochidrumidushi@gmail.com. Riba e potretnan por mira un resumen di aña 2012 di Bon Nochi Drumi Dushi cu e.o. imagen di e actividad di clausura di Bon Nochi Drumi Dushi na December 2012. Tambe por mira Fundacion Bon Nochi Drumi Dushi na e open dag di IPA. Durante di aña Fundacion Bon Nochi Drumi Dushi ta duna informacion na diferente actividad y ta haya ayudo di studentenan di EPI, IPA y Universidad di Aruba cu ta completa nan proyectonan social na Fundacion Bon Nochi Drumi Dushi. Tambe por mira potret di un tayer. Tur lesado ta asisti un tayer y evaluacion prome y despues di haci bishita na cas pa lesa pa muchanan entre 4-8 aña di edad.

